

107 年校內語文競賽客家語朗讀文章國小學生組（海陸腔）

【蹶山】劉玉蕉原作

天吉光，狗吉吠，阿姆斯特在該大聲喊咧！「阿榮啊，好跣咧，日頭愛出來哩哟！」

「阿珍妹，遽遽著鞋哟，愛出門哩哟！」

天矇光，日頭還在該睡目，偌一屋人斯目擘擘起腳行，共下去蹶小中崙山咧。路狹狹，草面頂个露水吉散，分偌兜个腳徑啊著，斯歸串歸串碾落地泥，一粒一粒金皙皙像珍珠樣，靚到奈毋得！偌心肝肚偷偷恁：係用佢兜來串一條珍珠骰鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹到領頭拗腰定定仔行禮，斯像該戲臺頂，盡力表演个大明星共樣。行到山下，老妹招偌拚輸贏，看麼人做得先蹶上山崙頂去。兩儕斯恁樣頭磬磬，麼人都毋認輸，相爭拚往上。偌座大當然輸毋得，歸路毋敢停跔，鼻噴噴大氣緊故，直直拚上山，蹶到山頂，抓等心臟，佢啊跳到硬硬像愛恬忒樣哦！

「哇！山頂个風還涼哦！」看往下，老妹還在半山排，一隻面頰卵紅啾啾，偌看啊，廟肚个關公都無佢恁紅哦！一張嘴擘啊擘，又像細狗在該故氣，實在還古董，還好笑！

山頂个風，特別清，特別涼爽，風裡肚有東勢果子个香氣，

有花花草草个清甜味緒，這風吹到人歸身鬆爽，吹到人透心涼，頭下蹶山个艱苦，到這下也做下毋記得咧！樹頂絡食个鳥仔濟濟借借，跳上跳下叫無停，草竇肚个蟲仔毋願輸佢，也唧唧滾應聲。打早，山頂斯仰般鬧熱濟借咧！眺望該山下，遠遠个東勢，到今還蒙等一層紗，在濛紗煙肚睡都毋知好醒呢！

「遽遽，大家看！還靚哦！」

東片个雲像點胭脂樣，紅霞紅霞，紅霞退忒，係千條萬條金色个光，對山个背後射出來，無幾久，一隻大火球，斯對山頭跳出來咧，晟到人惹毋開目，晟到濛紗遽遽藏身。日時頭个事頭，對這下正正式起勢呢！

企在山崙頂，偌兜放勢享受打早个光景，登高眺望个開闊眼界，分人心情爽快，分人知得感恩，感恩大自然賜分帳俚恁好个環境。阿爸長下講：「早跣床个鳥仔斯有蟲仔好食。」到這下，偌總算體會著這句話个意思咧！（注意！比賽時間兩分鐘結束）